

Na osnovu člana 72. stav (3) tačka a) Zakona o javnim nabavkama („Službeni glasnik BiH“, broj: 39/14), Pomoćnik gradonačelnika za Službu za opću upravu i zajedničke poslove, donosi

ODLUKU

o dodjeli ugovora drugorangiranom ponuđaču za

LOT 2: Nabavka usluga interneta – Sala za sjednice Gradskog Vijeća (zgrada "Grafičar" (ulica Turalibegova broj 24)

LOT 5: Nabavka usluga interneta – Matični mjesni ured Gornja Tuzla (ulica Abdurahmana Saračevića Ace broj 119., 1. sprat)

LOT 8: Nabavka usluga interneta – Matični mjesni ured Mramor (ulica 26. avgusta broj 147, 1. sprat)

LOT 9: Nabavka usluga interneta – Zgrada "Jupiter" za potrebe Gradskog pravobranilaštva (ulica Aleja Alije Izetbegovića broj 4)

LOT 10: Nabavka usluga interneta – za potrebe Profesionalne vatrogasne brigade (ulica Jalska broj 7)

Član 1.

Ugovor za:

- LOT 2: Nabavka usluga interneta – Sala za sjednice Gradskog Vijeća (zgrada "Grafičar" (ulica Turalibegova broj 24)

dodjeljuje se drugorangiranom ponuđaču "TELEMACH" d.o.o. Sarajevo,

a ugovor za:

- LOT 5: Nabavka usluga interneta – Matični mjesni ured Gornja Tuzla (ulica Abdurahmana Saračevića Ace broj 119., 1. sprat)
- LOT 8: Nabavka usluga interneta – Matični mjesni ured Mramor (ulica 26. avgusta broj 147, 1. sprat)
- LOT 9: Nabavka usluga interneta – Zgrada "Jupiter" za potrebe Gradskog pravobranilaštva (ulica Aleja Alije Izetbegovića broj 4)
- LOT 10: Nabavka usluga interneta – za potrebe Profesionalne vatrogasne brigade (ulica Jalska broj 7),

dodjeljuje se drugorangiranom ponuđaču "BH TELECOM" d.d. Sarajevo, a nakon što najpovoljniji ponuđač za LOT2, LOT5, LOT8, LOT9 i LOT10 nije blagovremeno dostavio potpunu dokumentaciju iz člana 45. Zakona o javnim nabavkama u roku koji je određen tenderskom dokumentacijom.

Član 2.

Ovom odlukom stavlja se van snage član 1. stav 1. alineja 2. Odluke o izboru najpovoljnijeg ponuđača broj: 09/11-A-7301-2020 od 28.07.2020. godine kojim se ugovor za LOT2, LOT5, LOT8, LOT9 i LOT10 dodjeljuje ponuđaču "TXTV" d.o.o. Tuzla.

Član 3.

Ova odluka se dostavlja svim ponuđačima koji su učestvovali u postupku javne nabavke i ista će se objaviti na web-stranici ugovornog organa (www.tuzla.ba).

Obrazloženje

Postupak javne nabavke pokrenut je Odlukom o pokretanju postupka javne nabavke broj: 09/11-A-7301-2020 od 06.07.2020. godine. Postupak nabavke je proveden putem konkurentskog zahtjeva za dostavu ponuda za koji je objavljeno Obavještenje o nabavci broj: 1004-7-2-77-3-152/20 na Portalu javnih nabavki dana 10.07.2020. godine.

Postupak nabavke provela je Komisija za nabavke imenovana Rješenjem broj: 09/11-A-7301-2020 od 06.07.2020. godine.

Ponuđači koji su učestvovali u postupku javne nabavke obaviješteni su o rezultatima postupka a najpovoljniji ponuđači su pozvani da dostave potrebnu dokumentaciju, u originalu ili ovjerenoj kopiji, u roku od 5 dana koji je određene tenderskom dokumentacijom.

Nakon što je istekao rok za dostavu dokumentacije utvrđeno je da izabrani ponuđač za LOT2, LOT5, LOT8, LOT9 i LOT10, "TXTV" d.o.o. Tuzla, nije blagovremeno dostavio potpunu dokumentaciju u roku koji je određen tenderskom dokumentacijom.

Naime, pregledom dostavljene dokumentacije utvrđeno je da, izabrani ponuđač za LOT2, LOT5, LOT8, LOT9 i LOT10, "TXTV" d.o.o. Tuzla, nije blagovremeno dostavio zahtijevanu dokumentaciju.

Uvidom u Obavijest o prijemu utvrđeno je da je ponuđač "TXTV" d.o.o. Tuzla Obavijest o rezultatima postupka javne nabavke zaprimio dana 30.07.2020. godine te je u roku od 5 (pet) dana (zaljučno sa 04.08.2020. godine) bio obavezan dostaviti zahtijevanu dokumentaciju, a ista je dostavljena 05.08.2020. godine što je vidljivo sa prijemnog pečata. Imajući u vidu navedeno utvrđeno je da ponuđač "TXTV" d.o.o. Tuzla nije dostavio zahtijevanu dokumentaciju u ostavljenom roku koji je određen tenderskom dokumentacijom.

Takođe je uvidom u dostavljenu dokumentaciju utvrđeno da ista nije potpuna.

Naime, tenderskom dokumentacijom u odjeljku C- USLOVI ZA KVALIFIKACIJU PONUĐAČA tačka 1.2 definisano je:

"...Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi i to:

- a) kumulativno, potvrdu Suda Bosne i Hercegovine i uvjerenje suda prema sjedištu kandidata/ponuđača, (ili uvjerenje nadležnog organa ukoliko ponuđač nije iz Bosne i Hercegovine) kojima dokazuje da protiv kandidata/ponuđača u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;..."

Uvidom u dostavljenu dokumentaciju utvrđeno je da je ponuđač "TXTV" d.o.o. Tuzla dostavio samo Uvjerenje Suda Bosne i Hercegovine broj: 03-5688/20 od 03.08.2020. godine ali nije dostavio i uvjerenje suda prema sjedištu kandidata/ponuđača (kako je zahtijevano tenderskom dokumentacijom) kojim dokazuje da protiv kandidata/ponuđača u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.

Cijeneći naprijed navedene činjenice ugovorni organ je postupio u skladu sa odredbama člana 72. stav (3) tačka a) Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke, Uredu za razmatranje žalbi BiH putem ugovornog organa.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za opću upravu i zajedničke poslove
Broj: 09/11-A-7301-2020
Tuzla, 10.08.2020. godine**

**Pomoćnik gradonačelnika za Službu za opću
upravu i zajedničke poslove**

Asja Kravić, dipl.pravnik